

Projekat sanacija i obnova starog grada Počitelja u 2013. godini.

U 2013. godini nastavljeno je izvođenje radova na revitalizaciji i sanaciji objekta Pašine tabije u kompleksu Starog grada Počitelja .

Aktivnosti koje se implementiraju u 2013. Godine odnose se na izvođenje II faze Revitalizacije, a kao nastavak realizacije I faze , za koju je urađena kompletna projektna dokumentacija .

Provedena je procedura za dobijanje dozvole za građenje i dobijena je dozvola od Federalnog ministarstva prostornog uređenja kao i stručno mišljenje dobijeno od Zvoda za zaštitu spomenika FBiH.

Nadalje provedene su kompletne procedure za izbor najpovoljnijeg Izvođača radova i Nadzornog organa, potpisani ugovori tako da je samo izvođenje radova započelo u septembru mjesecu .

Radovi na izvođenju revitalizacije i sanacije objekta Pašine tabije su tijekom i realiziraju se prema postavljenoj dinamici .

Želimo napomenuti da je program aktivnosti odobren koncem mjeseca maja pa je tako i njegova realizacija odnosno dinamika u skladu sa datumom usvajanja programa od Vlade FBiH.

Ukupna Planirana sredstva u proračunu iznose 350.000,00 KM.

Iznos sredstava koja su angažirana na realizaciji programa iznose 233,954,58 KM sa PDV- om.

A / IZVOĐENJE RADOVA NA REVITALIZACIJI PAŠINE TABIJE

.U 2012. Godini je završena I faza revitalizacije objekta Pašine tabije , a koja se odnosila na pripremne radove , zemljane radove i dio građevinsko – zanatskih radova .

Druga faza revitalizacije Pašine tabije koja se realizira u ovoj godini odnosi se na radove sa kojima bi se završio objekat Pašine tabije u arhitektonskom smislu .

Radovi koji i se uključeni u drugu fazu Revitalizacije Pašine tabije su :

- Multimedijalni centar – oružarnica
- Kula stražara – muzejski prostor
- Scena sa gledalištem
- Sanitarni blok sa pomoćnim prostorima
- Vidikovac sa stazama
- Uređenje vanjskih površina i prilaza

Cilj projekta i buduća namjena

- Zaštita, konzervacija i restauracija svih faza(srednjevjekovni i otomanski period)
- Primjerena prezentacija I čitljivost arheološkog lokaliteta
- Revitalizacija Pašine tabije, odnosno njegova aktivna zaštita
- Kulturno-obrazovna: otvorena scena sa gledalištem I zatvoreni multimedijalni centar
- Kompletiranje sadržaja turističke ponude Starog grada Počitelja

B / Usluge stalnog stručnog nadzora i konzervatorskog nadzora

Za usluge stalnog stručnog nadzora izvršena je kompletna procedura odabira najpovoljnije tvrtke i potpisan ugovor .

Odabrana tvrtka vrši svakodnevni stručni i konzervatorski nadzor nad izvođenjem predmetnih radova kako bi izvedeni radovi bili u skladu sa projektnom dokumentacijom i tehničkim normativima za tu vrstu radova .

Rok za realizaciju programa je 31.12.2013. godine.

